

**Қазақстан Республикасының Үкіметі мен Ресей Федерациясының Үкіметі арасында  
Қазақстан Республикасының аумағына іргелес Ресей Федерациясының аумағында  
жауынгерлік атыстар жүргізу кезінде штаттан тыс оқиғалар туындаған жағдайда өзара  
іс-қимыл жасау тәртібі туралы келісім жасасу туралы**

Қазақстан Республикасы Үкіметінің қаулысы 2002 жылғы 15 маусым N 653

Қазақстан Республикасының Үкіметі қаулы етеді:

1. Қазақстан Республикасының Үкіметі мен Ресей Федерациясының Үкіметі арасындағы Қазақстан Республикасының аумағына іргелес Ресей Федерациясының аумағында жауынгерлік атыстар жүргізу кезінде штаттан тыс оқиғалар туындаған жағдайда өзара іс-қимыл жасау тәртібі туралы келісімнің жобасы мақұлданын.

2. Қазақстан Республикасының Қорғаныс министрі Мұхтар Қапашұлы Алтынбаевқа ресей тарапымен келіссөздер жүргізуге және қағидатты сипаты жоқ, өзгерістер мен толықтырулар енгізуге рұқсат бере отырып, Қазақстан Республикасының Үкіметі атынан көрсетілген Келісімді жасасуға өкілеттік берілсін.

3. "Қазақстан Республикасының Үкіметі мен Ресей Федерациясының

Үкіметі арасындағы Қазақстан Республикасының аумағымен шектес Ресей Федерациясы аумағында жауынгерлік жұмыстар жүргізу кезінде апаттар туындаған жағдайда өзара іс-қимыл жасау тәртібі туралы келісім жасасу туралы" Қазақстан Республикасы Үкіметінің 2000 жылғы 26 тамыздағы N 1310

P001310\_

қаулысының күші жойылды деп танылсын.

4. Осы қаулы қол қойылған күнінен бастап күшіне енеді.

Қазақстан Республикасының  
Премьер-Министрі

Қазақстан Республикасының Үкіметі мен Ресей Федерациясының  
Үкіметі арасындағы Қазақстан Республикасының аумағына  
іргелес Ресей Федерациясының аумағында жауынгерлік  
атыстар жүргізу кезінде штаттан тыс оқиғалар туындаған жағдайда  
өзара іс-қимыл жасау тәртібі туралы

**КЕЛІСІМ**

Бұдан әрі Тараптар деп аталатын Қазақстан Республикасының Үкіметі мен Ресей Федерациясының Үкіметі,

Қазақстан Республикасының аумағына іргелес Ресей Федерациясының аумағында жауынгерлік атыстар жүргізу кезінде штаттан тыс оқиғалар туындаған жағдайда Тараптардың өзара іс-қимыл мәселелерін, сондай-ақ оның зардаптарын бағалауды және жоюды ретке келтіруге тілек білдіре отырып, төмендегілер туралы келісті:

1 - б а п

Осы Келісімнің мақсаттары үшін төменде көрсетілген терминдер мыналарды білдіреді:

"жауынгерлік атыс" - штаттық оқ-дәрілермен штаттық қарудан нысаналарға (көздеуіштерге) ату;

"жауынгерлік құралдар" - Ресей Федерациясының аумағында жауынгерлік атыстар жүргізу кезінде қолданылатын басқарылмайтын және басқарылатын жою құралдары;

"ұшу аппараттары" - басқарылатын және ұшқышсыз ұшу аппараттары, сондай-ақ жауынгерлік атыстар үшін көздеуіштер ретінде қолданылатын әуе нысаналары;

"штаттан тыс оқиғалар" - жауынгерлік құралдардың, ұшу аппараттарының немесе жер үсті құралдарының оларды басқару кезінде тапсырылған траекториядан ауытқуына және жауынгерлік құралдың немесе ұшу аппаратының Ресей Федерациясының аумағынан тыс жерге, Ресей Федерациясы жалға алмаған Қазақстан Республикасының аумағына құлауына әкеліп соқтыратын істен шығуы.

2 - б а п

Осы Келісім Қазақстан Республикасының аумағына іргелес Ресей Федерациясының аумағында жауынгерлік атыстарды жүзеге асыру кезінде штаттан тыс оқиғалар туындаған жағдайда Тараптардың міндеттерін, штаттан тыс оқиғалар болған жағдайда өзара хабардар ету рәсімдерін, сондай-ақ штаттан тыс оқиғаның зардаптарын жою үшін Тараптардың қажетті күштер мен құралдарды тарту тәртібін айқындайды.

Осы Келісім Тараптардың Қазақстан Республикасы мен Ресей Федерациясы қатысушысы болып табылатын өзге де халықаралық шарттарының міндеттемелерін қозғамайды.

3 - б а п

Осы Келісімнің мақсаттары үшін Тараптардың уәкілетті органдар мыналар болып табылады :

Қазақстан Тарапынан - Қазақстан Республикасының Төтенше оқиғалар жөніндегі агенттігі, Қазақстан Республикасының Қорғаныс министрлігі;

Ресей Тарапынан - Ресей Федерациясының Қорғаныс министрлігі.

Жоғарыда аталған уәкілетті органдардың атаулары немесе функциялары өзгерген жағдайда Тараптар дипломатиялық арналар бойынша бір бірін уақытылы хабарландыратын болады .

#### 4 - б а п

Штаттан тыс оқиғалар туындаған жағдайда Ресей Тарапының уәкілетті органы Қазақстан Тарапының уәкілетті органын қолданылып жүрген байланыс арналары бойынша тез арада хабарландырады, штаттан тыс оқиға буындаған сәттен 12 сағаттан кешіктірмей Қазақстан Тарапы уәкілетті органдарының өкілдерімен өзара іс-қимылды ұйымдастыру, жағдайды бағалау және штаттан тыс оқиғаның зардаптарын жою жөніндегі бірінші кезектегі шараларды белгілеу үшін Ресей мамандарының жедел тобын жасақтайды және Қазақстан Тарапының келісуі бойынша Қазақстан Республикасы аумағының штаттан тыс оқиғаның зардаптары табылған ауданына жібереді .

Штаттан тыс оқиғаның болуы мүмкін зардаптарын талдауды қамтамасыз ету мақсатында Ресей Тарапы Қазақстан Тарапына жауынгерлік құралдардың немесе ұшу аппараттарының түрлері, штаттан тыс оқиға болған жағдайда ықтимал ұшу жолдары мен құлау аудандары бойынша қажетті техникалық мәліметтерді ұсынады.

#### 5 - б а п

Штаттан тыс оқиға болған жағдайда Ресей Тарапының уәкілетті органы оның себептері анықталғанға дейін Қазақстан Республикасының аумағымен шектес Ресей Федерациясының аумағында штаттан тыс оқиға туындаған жауынгерлік құралдардың немесе ұшу аппараттарының сол түрін қолдана отырып жауынгерлік атыстар жүргізуді тоқтатады .

Қазақстан Республикасының аумағына іргелес Ресей Федерациясының аумағында аталған жауынгерлік құралдармен жүргізілетін жауынгерлік жұмыстарды жаңарту штаттан тыс оқиғаның себептері, аталған жауынгерлік құралдармен немесе ұшу аппараттарымен жүргізілетін кейінгі жауынгерлік

атыстардың қауіпсіздігін қамтамасыз ету жөніндегі іс-шаралар туралы

Қазақстан Тарабы уәкілетті органының хабарламасынан кейін жүзеге асырылады.

## 6-бап

Тараптардың уәкілетті органдары Бірлескен штабты құратын штаттан тыс оқиғаның зардаптарын тергеу жөніндегі Бірлескен қазақстан-ресей комиссиясын құрады және алдағы уақыттағы бірлескен іс-қимылдар тәртібін келіседі.

## 7-бап

Штаттан тыс оқиғаның зардаптарын бағалау және жою үшін Тараптар мынадай күштер мен құралдарды тартуы мүмкін:

арнаулы авариялық-құтқару және іздестіру-құтқару бөлімшелері;

өртке қарсы, санитарлық-эпидемиологиялық, медициналық, ветеринарлық, фитосанитарлық, табиғат қорғау және басқа да қызметтер;

штаттан тыс оқиға зардаптарының табиғи ортаға әсер ету мониторингін және жауынгерлік құралдар мен ұшу аппараттарының ұшу (құлау) жолдары бойынша гигиеналық бақылау жүргізу үшін мамандандырылған зертханалар;

шұғыл әрекет ететін мамандандырылған медициналық-биологиялық бригадалар; табиғи ортаның ластануы мүмкін деңгейін жедел болжаудың мамандандырылған қ ы з м е т і ;

аспаптар мен химиялық, реактивтердің төмендемейтін қоры; қажет болған жағдайда көшіру іс-шараларын жүргізу және штаттан тыс оқиға зардабы аймағында қалған елді мекендерден көшірілетін адамдарды қабылдау кезінде уақытша үй-жай құруға және тамақтандыру пункттерін ұйымдастыруға арналған азық-түлік және материалдық ресурстар қорлары; басқа да күштер мен құралдар.

Штаттан тыс оқиғаның зардаптарын бағалау мен жоюға тартылатын Тараптардың күштері мен құралдарының нақтылы құрамын штаттан тыс оқиға ауданындағы жағдайды және оның зардаптарын бағалау жөніндегі Тараптардың уәкілетті органдарының жедел ақпараттарына сүйене отырып Бірлескен штаб белгілейді.

Қажет болған жағдайда Тараптар Бірлескен штаб ұсынымдарының негізінде штаттан тыс оқиға зардаптарын жою үшін қажетті қосымша мамандар тобының құрамын және олардың келу мерзімдерін келіседі.

Тараптардың қосымша тартылған авариялық-құтқару бөлімшелері мен мамандандырылған қызметтерінің өзара іс-қимыл жасауын Бірлескен штаб ұ й ы м д а с т ы р а д ы .

Штаттан тыс оқиғаның зардаптарын жойғаннан кейін Тараптардың уәкілетті органдарынан құрылған Бірлескен қазақстан-ресей комиссиясы бірлесіп келісілген әдістеме бойынша залалдың орнын толтыру тәртібін, нысандарын айқындайды және мыналарға жұмсалған шығындардың көлемін есептейді:

штаттан тыс оқиғаның зардаптарын бағалау және жою;  
келтірілген материалдық залалдың орнын толтыру;  
қоршаған ортаның орны толтырылмаған залалының өтемі.

Штаттан тыс оқиғаның зардаптарын тергеу жөніндегі Бірлескен қазақстан-ресей комиссиясы өкілдерінің атқарған жұмыстарының нәтижелері бойынша екі жақты актіге қ о л қ о й ы л а д ы .

## 9 - б а п

Осы Келісімге сәйкес штаттан тыс оқиғаның зардаптарын бағалау мен жою жөніндегі іс-шараларды өткізумен және материалдық залал мен қоршаған ортаға орны толтырылмаған залалдың өтемақысымен байланысты шығыстарды келісілген көлемде қол қойылған екі жақты актілердің негізінде штаттан тыс оқиғаның зардаптарын тергеу жөніндегі Бірлескен қазақстан-ресей комиссиясының жұмыс қорытындысы бойынша Р е с е й Т а р а п ы ж ү з е г е а с ы р а д ы .

## 1 0 - б а п

### Қ а з а қ с т а н Т а р а п ы :

штаттан тыс оқиға зардаптары табылған Қазақстан Республикасының аумағы ауданына Ресей Тарапы өкілдерінің кіруін;

Ресей Федерациясының штаттан тыс оқиға зардаптарын жоюға қатысатын әуе кемелеріне әуе дәліздері мен тұрақтарын артықшылық тәртіппен беруді;

құрамы Бірлескен штабпен келісілген және штаттан тыс оқиғаның зардаптарын бағалауға және жоюға келген мамандарға Қазақстан Республикасы мемлекеттік органдарының қызметкерлері үшін белгіленген тәртіппен және мөлшерде нақтылы жұмсалған шығындарға Ресей Тарапының кезекті өтемақысымен көлік, тұрғын үй, азық-түлік және байланыс құралдарын ұсынуды қамтамасыз етеді.

## 1 1 - б а п

Қазақстан Республикасының аумағына уақытша әкелінетін және оның аумағынан кері әкетілетін штаттан тыс оқиғаның зардаптарын жоюға арналған ресей жабдықтары мен материалдарын, сондай-ақ Ресей Федерациясының аумағына әкетілетін штаттан тыс оқиғаның себептерін анықтауға арналған жауынгерлік құралдарды, ұшу

аппараттарын немесе олардың бөліктерін кедендік ресімдеу Тараптардың уәкілетті органдарымен келісілген тізбенің

негізінде тарифтік емес реттеу және кедендік төлемдер мен салықтар алу шараларын қолданбастан жүзеге асырылады.

#### 12-бап

Осы Келісімді түсіндіру мен қолдануға қатысты дауларды Тараптар келіссөздер жүргізу жолымен немесе Қазақстан Республикасы мен Ресей Федерациясы арасындағы Ынтымақтастық жөніндегі үкіметаралық комиссия шешеді.

#### 13-бап

Осы Келісім Қазақстан Республикасының аумағында орналасқан және Ресей Федерациясының Үкіметі жалға алған әскери-сынақ полигондары мен "Байқоңыр" кешенінің қызметіне байланысты қатынастарды реттемейді.

#### 14-бап

Тараптардың өзара келісімі бойынша осы Келісімге осы Келісімнің ажырамас бөлігі болып табылатын жекелеген хаттамалармен ресімделетін толықтырулар мен өзгерістер енгізілуі мүмкін.

#### 1 5 - б а п

Осы Келісім оған қол қойылған күнінен бастап уақытша қолданылады және оның күшіне енуі үшін қажетті мемлекетшілік рәсімдердің орындалғандығы туралы Тараптардың соңғы жазбаша хабарламасын алған күнінен бастап күшіне енеді.

Осы Келісім бес жыл мерзімге жасалады. Егер Тараптардың бір де бірі тиісті кезең өткенге дейінгі алты айдан кешіктірмей оның қолданылуын тоқтатуға өзінің ниеті туралы екінші Тарапқа жазбаша хабарламаса, оның қолданылуы келесі бес жылға автоматты түрде ұзартылады.

2002 жылғы "\_\_\_" \_\_\_\_\_ каласында әрқайсысы қазақ және орыс тілдерінде екі данада жасалды, әрі екі мәтіннің бірдей күші бар.

Қазақстан Республикасының

Ресей Федерациясының

Үкіметі үшін

Үкіметі үшін

Мамандар:

Багарова Ж.А.,

Қасымбеков Б.А.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК